

金堂縣志

地280.15  
35  
:8



金堂縣志卷九

政事部下

防禦志

兵制

民壯

舖遞

保甲

文猷須布勉盡撫綏武備宜嚴用資捍禦厥理初無二致也金堂密邇省垣風俗淳靜然數邑毗連五方雜處查緝稍疎奸宄易於混迹雍正七年始設專弁帶兵駐防自是

金堂縣志

卷九

防禦

一

以來兵役協和巡防周密閭閻賴之此外緝捕盜匪防護監倉則有民壯上下文移往來傳送則有舖兵二者非兵而有類於兵且有助於兵亦關地方緊要至若欲安民莫如弭盜欲弭盜莫若保甲歷年來屢奉

諭旨查辦以時俾民間稽察同心守望相助匪徒無從托足四境共慶敕寧

國家經畫之密卽此可以想見也作防禦志

兵制

按通志載成都城守額設叅將一員屬三營左營守備一



員千總二員把總三員右營守備一員千總二員把總三員馬兵二百四十名步戰兵三百六十六名守兵七百九十四名共兵一千四百名馬二百四十四匹其時附近州縣未有兵也雍正七年爲敬陳管見事案內因經制千把總不敷防汛設外委千把總一十二員駐防各州縣以資彈壓分防諸汛蓋始於此又趙家渡汛設額外外委一員起自乾隆初年歷由城守左營詳明提督劄委貼防其關支俸廉糧餉均由營中領發茲不縷及

金堂縣汛額設分防右哨二司外委把總一員屬城守左

金堂縣志

卷九

防禦

二

營所轄帶領馬步戰守兵丁一十三名內戰兵七名守兵六名

塘房一所在西門外撥兵二名看守官房旗杆烟墩哨樓牌架現俱修整完固

趙家渡汛設貼防右哨二司額外外委一員專防趙家渡一帶地方向由縣汛撥給戰守兵五名協全巡緝

民壯

按乾隆三十一年四川總督阿奏明川省各州縣額設民壯改易烏鎗與營兵一體操演各就地方情形妥協經理

等因奉

旨允准欽遵在案嗣於四十九年奉文通飭各州縣均照潼川府知府張松孫條稟酌令中縣添募民壯十六名下縣添募民壯十二名烏鎗一桿挑刀一把按期撥詣本府操習一體辨理又於五十年五月二十七日因河南柘城縣民王金王立山等一案奉

上諭各省督撫將營伍中烏鎗一項令兵丁時時操演準頭務期嫻熟其各縣捕役民壯亦同此例當經總督李奏准將川省各州縣額設民壯揀派十分之六仍令演習烏

金堂縣志

卷九

防禦

三

鎗與兵丁一體操演所有應給民壯烏鎗卽以各州縣查繳在官烏鎗給發編明字號存貯縣庫每逢操演赴縣領出演畢仍行繳貯轉飭各屬永遠遵辦至五十二年奉文禁習烏鎗停止撥府操演

金堂縣額設民壯八名

原奉添設民壯十二名

舖遞

按通志載金堂縣城舖起分東路趙家舖黃土舖蓮花舖  
六家舖南路紅瓦舖姚家舖新場舖龍福舖白蓮舖西路

桂通鋪北路三水鋪共十二塘此舊制也今查賦役全書及歷年造報檔冊惟趙家鋪黃土鋪蓮花鋪紅瓦鋪姚家鋪縣城鋪六塘其餘六塘久未安設其爲何時裁汰無文案可稽矣

金堂縣額設鋪司兵共一十二名

縣城底塘鋪鋪司兵二名

自底塘鋪十里至姚家鋪鋪司兵二名在縣南十里

自姚家鋪十里至紅瓦鋪鋪司兵二名在縣南二十里

自姚家鋪二十里至趙家鋪鋪司兵二名在縣東三十里

金堂縣志

卷九

防禦

四

自趙家鋪二十里至黃土鋪鋪司兵二名在縣東五十里

自黃土鋪二十里至蓮花鋪鋪司兵二名在縣東七十里

上下共計六塘自成都出新都縣屬茶店子送紅瓦鋪姚

家鋪至縣城底塘鋪

又一路自姚家鋪送趙家鋪黃土鋪蓮花鋪至中江縣屬

興隆鋪轉遞

保甲

按盜賊爲害自古有之一遇嚴明之吏如張敞虞詡李崇張詠諸人何嘗不斂跡潛踪然欲絕其弊清其源莫如力

行保甲一法乾隆年間欽奉

上諭舉行保甲各郡縣恪查成憲敬謹遵行嘉慶十年又奉新例各屬編連保甲改歸臬司查報本年復奉上諭飭各州縣實力奉行

治世良謨可謂至周且備矣

金堂縣領上四鄉下四鄉共分十一甲所有城鄉市鎮烟戶歷年各就地段編連明立程規永遠遵行見年冊報共編烟戶五萬六千二百三十二戶

附本年牌甲

金堂縣志

卷九

防禦

五

縣城編一百八十二牌保正二名

康家渡編五十四牌保正一名

姚家渡編二十九牌保正一名

趙家渡編九十牌保正二名

廖家場編五十三牌保正一名

官倉場編二十八牌保正一名

藍家店編八牌保正一名

趙家場編十八牌保正一名

懷口鎮編五十二牌保正一名

五鳳溪編二十五牌保正一名

白菓場編七牌保正一名

同興場編六牌保正一名

竹篙寺編二十五牌保正一名

廣興場編二十八牌保正一名

永興場編四十牌保正一名

新礮場編二十五牌保正一名

高板橋編二十一牌保正一名

老一甲編三百五十二牌保正四名

金堂縣志

卷九

防禦

六

老二甲編三百九十一牌保正四名

老三甲編二百二十八牌保正三名

老四甲編一百八十五牌保正二名

恩五甲編五十五牌保正一名

新一甲編二百八十二牌保正三名

新二甲編四百八十七牌保正五名

新三甲編三百九十四牌保正四名

新四甲編一百八十四牌保正二名

九甲編一千二百三十四牌保正十二名

十甲編一千一百四十三牌保正十一名  
右編排烟戶每十戶爲一牌十牌爲一甲照例設立牌  
頭甲長共牌頭五千六百二十六名共甲長五百七十  
三名

附編聯保甲科條

爲欽遵查辦事嘉慶十五年六月二十日奉文行知本  
年四月內御史甘肅斌奏請實行編戶成法奉

上諭飭各州縣實力奉行並奉

督憲常札飭編排保甲使各戶互相稽防地方官慎選

金堂縣志

卷九

防禦

七

書吏劃分地段查造戶甲丁口勿得遺漏隱混仍將奉  
旨編查詰奸弭盜之音及同保各戶應如何互相糾察之  
法舉首得實者有賞包庇誣指者有刑一一臚列科條  
明切示諭務使家喻戶曉仍嚴督各約保實力奉行不  
時稽其勤惰而賞罰之等因奉此查金邑幅員遼濶雜  
處五方難免宵小藏蹤莠良莫辨疊經本縣督飭清釐  
烟戶明立程規數年來鄙屋肅清民間尙知遵守第恐  
从而生懈防範易致疎虞是以本年重加整頓嚴密稽  
查現在一律編連尅期竣事允宜恭繹



聖謨敬宣憲令併臚列利條揭示通衢俾遠近居民咸知門牌戶甲實爲戢匪安良千古不易之善政除稟覆各憲立案外合行示諭爲此示仰縣屬各甲紳耆約保軍民等遵照後開牌甲事宜八條行之以實持之以久須知清烟造冊所以嚴此稽合甲編牌所以資聯絡內壯鄰里之聲援外禦奸匪之窺伺本縣恪遵憲典念切民瘼凡爲爾百姓籌畫亦亦既詳且備矣尙其同心糾察永遠遵循慎勿日久忘生是所諄囑特示

一清理地方必須敦行良法立牌甲以靖盜源法之至

金堂縣志

卷九

防禁

八

要者也今詳參定例因地制宜各隨村鎮人戶之多寡就便編連或十戶或十餘戶爲一牌立一牌頭或數十家或百餘家爲一甲立一甲長俱選勤慎練達殷實之人承充庶於事有濟甲長約束牌頭牌頭約束散戶毋許稍有懈弛如有不聽約束不肯歸入牌甲者定非善類爾等應公稟嚴究以儆其餘

一設立牌甲無論糧戶當戶花戶佃客以及寺觀僧道照例逐一編連每戶給門牌一張懸掛門首註明姓名籍貫男女丁口作何生理仍造呈烟戶冊以憑驗明鈐

印標發聽候查點倘查有漏戶暨狗私隱匿別情惟  
保是問如不工不農跡涉可疑或曾經窩賊犯竊之人  
爾等編連之際及時排擠不准其聯入甲內使之孤立  
謂之零戶隨時畱心稽察如積習未悛稍露實跡迅卽  
稟官究懲不予稍寬辦一二人自然宵小潛踪不敢出  
爲民害矣

一保正甲長牌頭照例慎選點充如有豪橫之徒藉名  
武斷或挾嫌誣指平民爲盜定行究革果能實力訪查  
一有匪跡賊情據實指名稟報官爲立拘究辦其舉首

金堂縣志

卷九

防禦

九

得實者照捕役獲盜過半例按名從優給賞倘甲內有  
容畱棍徒及爲盜窩盜之人失於覺察或知情而瞻徇  
隱匿者分別笞杖從重示懲

一各甲各牌星羅棋布平時則彼此認識互相稽察家  
家有偵查之責人人懷比匪之刑總使鼠輩游民無從  
托足本縣每於因公下鄉時順道抽查是否整肅如甲  
約等辦理不能認真或徇情舞弊卽予懲處若能實力  
編連防範立加獎賞

一奸徒擾害勢所難免然官爲巡查作主民能防範齊

心不足慮也一家有事一牌齊出一牌有事一甲齊出  
倣古人守望相助之義斯爲完美現奉

督憲通飭於場市村庄每二十家置備緝匪牌一架木  
棍十根小鑼一面官爲驗明安放妥便處所倘有不虞  
急切不能集人隨手鳴鑼各戶聞聲而至則三五賊匪  
不難立時擒獲卽外來匪徒竄入亦可聚齊牌甲協力  
截拿送縣嚴究毋使倖逃法網如敢持械拒捕格殺勿  
論

一賭博最爲民害本縣禁戢不啻三令五申遇案嚴懲

金堂縣志

卷九 防禦

十

此風未能淨絕查例載賭博爲盜賊淵藪飭令牌頭甲  
長稽查一併舉首等語爾等所管牌甲內應常時查察  
如有窩賭慣賭之人卽據實稟首毋得徇情容隱  
一立定牌甲之後如有續招佃客數計及搬家入境者  
着約保查明來歷地鄰出結補給門牌仍填註烟冊方  
准招居毋許任意容畱致滋流弊

一告示分貼鄉場風雨飄淋斷難經久特爲刊印多部  
每甲每單暨大小場市各准給領一冊凡我編氓警心  
觸目人人得而周知時時可以緝閱永遠遵循勿致始

勤終怠庶使閭閻安堵蠹孽潛消本縣實有厚望焉  
余奉行編戶成法多歷年所地方牧寧較勝曩昔謂非  
保甲之驗耶近復奉檄清編點驗不敢告勞並明立條  
規永爲斯民遵守凡五閱月而歲事亦願繼今以往奉  
是事者之念茲無斁也又嘗思前明王文成公在南贛  
行十家牌法牌列各戶姓名背寫告諭有云巡撫是方  
惟欲剪除盜賊安養小民今爲此牌似亦煩勞爾衆但  
欲防奸革弊保安良善不得不然爾等其體此意各家  
務要父慈子孝兄愛弟敬夫和婦隨長惠幼順小心以

金堂縣志

卷九

防禦

十一

奉官法勤謹以辦國課恭儉以守家業謙和以處鄉里  
心要平恕毋好忿爭事要含忍毋興詞訟見善互相勸  
勉有惡互相懲戒務興禮讓之風以成敦厚之俗等語  
詞義簡明剴切蓋戢奸與勸善一舉而兩得焉倣而行  
之可爲訓民之一助併以綴諸志尾